



Bosnia and Herzegovina
Federation of Bosnia and Herzegovina

CANTON SARAJEVO
Ministry for Education, Science and Youth

Broj: 11/04-38-sl./19
Sarajevo, 25.2.2019. godine

SVIM PREDŠKOLSKIM USTANOVAMA NA PODRUČJU KANTONA SARAJEVO
SVIM OSNOVNIM ŠKOLAMA NA PODRUČJU KANTONA SARAJEVO
SVIM SREDNJIM ŠKOLAMA NA PODRUČJU KANTONA SARAJEVO

n/r direktora/direktorice

PREDMET: 1. MART – DAN NEZAVISNOSTI

Cijenjeni/ Cijenjena,

Već 27. put građani Bosne i Hercegovine obilježavaju svoj veliki praznik-Dan nezavisnosti Bosne i Hercegovine. Kroz višestoljetnu historiju države, njeni narodi su žrtvujući svoje živote branili nezavisnost svoje domovine.

Na referendumu održanom 29. februara i 1. marta 1992. godine građani Bosne i Hercegovine svih nacionalnosti su se odlučili za suverenu, nezavisnu, samostalnu i cjelovitu Bosnu i Hercegovinu, državu ravnopravnih naroda i građana.

Shodno tome, Vijeće ministara Evropske unije je 6. aprila 1992. godine donijelo odluku o međunarodnom priznanju Republike Bosne i Hercegovine.

Istog dana - 6. aprila 1992. godine, na dan kada je Bosna i Hercegovina međunarodno priznata, počela je agresija na Bosnu i Hercegovinu.

Nezavisnost domovine je ponovo trebalo braniti od agresora.

Ogromna cijena koja je plaćena nevinim ljudskim životima, je omogućila život u nezavisnoj državi Bosni i Hercegovini.

Hrabrost građana Bosne i Hercegovine, koji su svojim životima branili domovinu, izlagali se svakodnevnim bombardovanjima i snajperskim hicima, je razlog što mi, građani Bosne i Hercegovine, danas u slobodi i nezavisnosti obilježavamo ovaj važni događaj u historiji naše domovine – 1. Mart- Dan nezavisnosti.

Sloboda koju imamo je stalni podsjetnik za sve nas da imamo obavezu čuvati svoju domovinu i poštovati je.

Dužnost svakog građanina naše domovine treba biti razvijanje patriotizma, a vlastitim primjerom trebamo pokazati odanost domovini, spremnost za očuvanje njene nezavisnosti i jasno isticati da je naše opredjeljenje život unutar Evropske unije.

Koristimo se prilikom da svim učenicima i uposlenicima u odgojno-obrazovnim ustanovama čestitamo 1. Mart- Dan nezavisnosti.

S poštovanjem,



MINISTRICA

Mr. Zineta Bogunić



web: <http://mon.ks.gov.ba>
e-mail: mon@mon.ks.gov.ba;
Tel: + 387 (0) 33 562-128,
Fax: + 387 (0) 33 562-218
Sarajevo, Reisa Džemaludina Čauševića 1

